

**Uunga siunnersuut: Sanaartukkat innaallagissamut sakkortuumut atugassat atortullu
innaallagiatorput pillugit inatsisartut peqqussutaata allangortinnejarnissaq pillugu
inatsisartut inatsisaat nr. Xx, xx. xxx 2019-imeersoq**

Inuussutissarsiornermut Nukissiuuteqarnermullu Naalakkersuisumit saqqummiunneqartoq

pillugu

Inuussutissarsiornermut Aatsitassanullu Ataatsimiititaliap

siunnersuutip aappassaaneerneqarneranut

ISUMALIUTISSIISUTAA

Ataatsimiititaliap suliarinninnermini ilaasortarai

Inatsisartunut ilaasortaq Henrik Fleischer, Siumut, Siulittaasoq

Inatsisartunut ilaasortaq Múte Bourup Egede, Inuit Ataqatigiit, siulittaasup tullia

Inatsisartunut ilaasortaq Mala Høy Kúko, Siumut,

Inatsisartunut ilaasortaq Hermann Berthelsen, Siumut

Inatsisartunut ilaasortaq Randi Vestergaard Evaldsen, Demokraatit

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Tillie Martinussen, Suleqatigiissitsisut

UKA 2019-imi 27. marts siullermeerininnerup kingorna ataatsimiititaliap siunnersuut misissorpa.

1. Siunnersuutip imarisaa siunertaalu

Inatsisartut peqqussutaata atuuttup 1994-imeersup nutarterneqarnissaq siunnersuuteqarnermi siunertaavoq. Taamaalillunilu pingaarnertut pineqarput teknikikkut erseqqissaaneq aammalu Nukissiorfinnut aningaasanut inatsisikkut aningaasaliissutigineqartunit aningaasaqarnerata avissaartinneqarneratigut Innaallagissiornermut Oqartussat immikkut oqartussaqaqfinngortinnejarnernik erseqqissaaneq.

2. Siunnersuutip siullermeerneqarnera

Siunnersuutip imarisaa Inatsisartunit nalinginnaasumik tapserneqarpoq. Taamaalillunilu suliatigut naalakkersuinikkullu ilassutaasumik misissorneqarnissaq taamaallaat pillugu siunnersuut ataatsimiititaliamut ingerlateqqinnejarnernik. Inatsisissatut siunnersuutip qulequtaata

oqaatsitigut erseqqissaateqarfiginissaa oqaluuserineqarpoq, tamannalu ataatsimiititaliap naatsumik ataasiakkaanik oqaaseqarfingissavaa.

3. Tusarniaanermut akissutit

Tusarniaanermut akissutit inatsisisstatut siunnersuummut ilanngunneqarsimapput, tamannalu Inatsisartut Siulittaasoqarfiata ilusiliinissamut piumasaqataanut naapertuuppoq.

Tusarniaanermut akissutit akuersaartuusut - imaluunniit soqutigisaqartut inatsisisstatut siunnersuutip suliarineqarneranut toqqaannartumik peqataasimasut – ataatsimiititaliamit maluginiarneqarpoq.

4. Ataatsimiititaliap siunnersummik suliarinninnera

Siunnersuut aammalu siunnersuutip siullermeerneqarnerani oqaaseqaatigineqartut ataatsimiititaliamit misissorneqarput. Ataatsimiititaliamit aallarniutigalugu maluginiarneqarpoq siunnersuut tapersorsorneqarluartoq. Taamaattumillu siunnersuutip qulequataa pillugu oqallinneq ataatsimiititaliamit naatsumik isummerfigineqassaaq.

4.1 Siunnersuutip qulequataa pillugu

Siunnersuutip danskisut qulequtaraa:

Forslag til: Inatsisartutlov nr. xx af xx. xxx 2019 om ændring af landstingsforordning om elektriske stærkstrømsanlæg og elektrisk materiel

kalaallisullu:

Unga siunnersuut: Sanaartukkat innaallagissamut sakkortuumut atugassat atortullu innaallagiatorut pillugit Inatsisartut peqqussutaata allangortinnejarnissaa pillugu Inatsisartut inatsisaat nr. xx, xx. xxx 2019-imeersoq

Inatsisartut peqqussutaat atuuttoq kalaallisut ima qulequataqarpoq

Sanaartukkat innaallagissamut sakkortuumut atugassat atortullu innaallagiatorut pillugit Inatsisartut peqqussutaat nr. 12, 3. november 1994-imeersoq

Inatsisartut peqqussutaata qulequataa ima oqaasertaqalersillugu iluarsineqarnissaa oqallinnermi siunnersuutit saqqummiunneqarpoq:

Unga siunnersuut: Innaallagissap sarfaanut sakkortuumut atortut, atortullu innaallagiatorut pillugit inatsisartut peqqussutaata allangortinnejarnissaa pillugu inatsisartut inatsisaat nr. Xx, xx. xxx 2019-imeersoq

Inatsisartut peqqussutaannut atuuttumut allannguutissatut siunnersuut pineqarmat 1994-imi qulequttatut akuerineqaqqaartoq siunnersummut aallaaviusariaqarpoq (aamma peqqussutip qulequtaani oqaatsit ersernerlussinnaasut atorneqarsimagaluarpatluunniit). Taamaattumillu oqaatsitigut amigaatip tamatuma ilusiliinikkut maanna iluarsineqarnissaanut periarfissaqanngilaq.

Tamanna tunngavigalugu ataatsimiitaliaq isumaqarpoq Inatsisartut peqqussutaata atuuttup allanngortinneqarnissaanik inatsisissatut siunnersuutip qulequtaani inatsimmut atuuttumut qulequtaq innersuussutigineqartariaqartoq. Siunissami suliassaqarfimmut inatsisit ataatsimoortumik nutarterneqarneranni ajornartorsiutip tamatuma iliuuseqarfingineqarnissaa naatsorsuutigineqarpoq.

5. Siunnersuutip aningaasaqarnikkut kingunerisassai

Siunnersuutip piviusunngortinneqarnerani aningaasaqarnikkut kingunerisassat siunnersummut nalinginnaasumik nassuaatini allaaserineqarput. Tassani allassimavoq siunnersuutip aningaasaqarnikkut kinguneqarnissaa naatsorsuutigineqanngitsoq, tassa Innaallagissiornermut Oqartussanut maanna aningaasaliissutit Nukissiorfinnut aningaasaliissutinit avissaartinneqarmata. Tunngavissat pigineqartut naapertorlugit Naalakkersuisut naliliinerannit allaanerusumik naliliinissaminut ataatsimiitaliaq tunngavissaqanngilaq.


6. Ataatsimiitaliap inassuteqaatai

Tamanna tunngavigalugu siunnersuut akuerineqassasoq ataatsimiitaliap isumaqatigiittup inassutigaa.

Taama oqaaseqarluni isumaliutissiissummilu allassimasutut paasinnilluni ataatsimiititaliap siunnersuut aappassaaniigassanngortippaa.




Henrik Fleischer
Siulittaasoq



Herman Berthelsen



Múte B. Egede
Siulittaasup tullia



Mala H. Kúko



Randi V. Evaldsen



Tillie Martinussen